

Statistikat e transportit

Janar 2018

Tiranë, më 27 Shkurt 2018: Volumi i mallrave të ngarkuara/shkarkuara në porte, në muajin Janar 2018 është 302 mijë ton, duke u rritur 38,4 %, krahasuar me Janar 2017.

Në Janar 2018, në Portin e Durrësit janë kryer 92,7 % të volumit të mallrave të ngarkuara/shkarkuara në të gjitha portet.

Volumi i mallrave të transportuara me hekurudhë është 761 mijë ton - kilometër, duke u rritur me 13,8 %, krahasuar me Janar 2017.

Tab. 1 Transporti i mallrave me det, hekurudhë dhe ajër

Periudha	Det ton	Hekurudhë tkm	Ajër* ton
Janar 2017	217.899	669	157
Janar 2018	301.549	761	182
Ndryshimi vjetor (%)	38,4	13,8	15,9

**Përfshin mallrat dhe postën*

Në muajin Janar 2018, volumi i mallrave të transportuar me ajër është 182 ton, duke u rritur me 15,9 %, krahasuar me të njëjtën periudhë të një viti më parë.

Numri i fluturimeve të kryera, në Janar 2018 është 2.052, duke shënuar një rritje me 13,6 %, krahasuar me të njëjtën periudhë të një viti më parë.

Në Janar 2018 numri i mbikalimeve është 8.758, krahasuar me njëjtën periudhë të vitit 2017, është rritur me 9,0 %.

Tab. 2 Treguesit e transportit ajror

Periudha	Numri i shoqërive ajrore	Numri i fluturimeve	Numri mbikalimeve
Janar 2017	15	1,806	8,037
Janar 2018	17	2,052	8,758
Ndryshimi vjetor (%)	13.3	13.6	9.0

Në muajin Janar 2018, numri i pasagjerëve që kanë udhëtuar me linja ajrore është 214.191, duke u rritur me 11,7 %, krahasuar me Janar 2017.

Tab. 3 Transporti i pasagjerëve sipas mënyrës së udhëtimit

Periudha	Transporti i pasagjerëve		
	Hekurudhë	Det	Ajër
Janar 2017	123	75,984	191,759
Janar 2018	2,343	67,295	214,191
Ndryshimi vjetor (%)	1,804.9	-11.4	11.7

Numri i pasagjerëve që udhëtojnë me linjë detare, në Janar 2018, është 67.295 persona, krahasuar me me të njëjtën periudhë të një viti më parë, ky tregues është ulur me 11,4 %.

Eksporti/Importi i mallrave sipas mënyrës së transportit


Në Janar 2018, vlera e mallrave të tregtuara (eksport dhe import) është 68 mld lekë dhe 54,4 % e tyre u transportua me det.

Eksportet e mallrave

Në Janar 2018, mallrat e eksportuara me det zënë 64,3 %, me rrugë 32,7 % dhe me ajër 0,5 %.

Mallrat e eksportuara me rrugë, në Janar 2018, janë rritur me 48,9 % dhe me det janë rritur 11,9 %, krahasuar me Janar 2017.

Fig. 1 Struktura e eksporteve sipas mënyrës së transportit, Janar 2018




Importet e mallrave

Në Janar 2018, mallrat e importuara me det zënë 49,2 %, me rrugë 39,5 % dhe me ajër 3,0 %.

Mallrat e importuara me hekurudhë, në Janar 2018, janë rritur me 26,1 % dhe me rrugë janë rritur me 22,3 %, krahasuar me Janar 2017.

Fig. 2 Struktura e importeve sipas mënyrës së transportit, Janar 2018



Metodologji

Përkufizime:

Transport: Lëvizja e njerëzve dhe/ose mallrave, duke përdorur mjete të ndryshme transporti. Transporti mund të kryhet me mjete të transportit tokësor, ajror dhe detar.

Transporti hekurudhor: Çdo lëvizje e mallrave dhe/pasagjerëve duke përdorur mjete me rrota të drejtuar mbi binarë.

Transport detar: Çdo lëvizje e mallrave dhe/ose pasagjerëve duke përdorur anije tregtare në udhëtime, të cilat ndërmerren tërësisht ose pjesërisht me det.

Transport ajror: Çdo lëvizje e mallrave dhe/ose pasagjerëve duke përdorur avionë në udhëtime, të cilat ndërmerren tërësisht ose pjesërisht me ajër.

Eksportet janë në përgjithësi mallra të destinuara tek një vend i tretë, të vendosura nën regjimin doganor, në përpunimin pasiv, ose të riekportuar pas përpunimit aktiv.

Vlera F.O.B: Është vlera e mallrave të eksportuara deri në kufirin e vendit eksportues, pra përfshin koston e mallrave të eksportuara dhe shpenzimet deri në kufi të vendit eksportues.

Importet janë në përgjithësi mallra që vinë nga një vend i tretë, të vendosura direkt në qarkullim të lirë ose që qëndrojnë në magazinat e ruajtjes nën procedurat doganore të lejimit për qarkullim të lirë, për përpunim aktiv ose për përpunim nën kontrollin doganor.

Vlera C.I.F: Është vlera e mallrave të importuara dërguar deri në kufirin e vendit importues, pra përfshin koston e mallit, edhe shpenzimet e transportit dhe sigurimit deri në kufirin e vendit që importon mallrat.

Nomenklatura e Statistikave të Transportit (NST 2007) është një nomenklaturë mallrash e përdorur kryesisht për statistikën e transportit

Burimi i të dhënave: Të dhënat janë siguruar nga Ministria e Transportit dhe Infrastrukturës dhe Drejtoria e Përgjithshme e Doganave

Të dhënat e transportit detar, ajror dhe hekurudhor janë paraprake dhe subjekt rishikimi. Për më shumë referohu: <http://www.instat.gov.al/al/reth-nesh/cilesia-statistikore.aspx/> Politika e revizionimit statistikor.

Shpjegimi i simboleve

0 vlerë më e vogël se gjysma e njësisë matëse

- pa vlerë